

白虎通德論

班 固 撰

上海古籍出版社

● 諸子百家叢書





2 021 2246 1

諸子百家叢書

白虎通德論

班固撰

上海古籍出版社

391317

2016/22

諸子百家叢書

白虎通德論

班固撰

上海古籍出版社出版

(上海瑞金二路272號)

南京書店上海發行所發行 上海東方紅印刷廠印刷

開本850×1156 1/32 印張2.875

1990年11月第1版 1990年11月第1次印刷

印數：0001-9000

ISBN 7-5325-0817-x

B·105 定價：1.40 元

出版說明

先秦兩漢魏晉的「諸子百家」之書，是中華傳統學術思想的一個源頭，各家所表達的思想理論，對後世影響極為深遠。其中不少著作，又被公認是優秀的散文作品，千百年來傳誦不絕。鑒於讀者需求，我社先已選編出版了《老子》等二十種（十六冊），頗受歡迎。今特續選四十三種，即：一、《陰符經》，舊題黃帝撰，周呂望、范蠡、鬼谷子、漢張良、蜀諸葛亮、唐李筌六家注；二、《關尹子》，舊題周尹喜撰；三、《亢倉子》，舊題周庚桑楚撰，宋何絜注；四、《鬻子》，舊題周鬻熊撰，唐逢行珪注；五、《公孫龍子》，周公孫龍撰，宋謝希深注；六、《鬼谷子》，梁陶弘景注；七、《子華子》，舊題周程本撰；八、《尹文子》，周尹文撰，魏仲長統校定；九、《鶡冠子》，宋陸佃解；十、《穆天子傳》，晉郭璞注；十一、《十洲記》，舊題漢東方朔撰；十二、《列仙傳》，舊題漢劉向撰；十三、《抱朴子》，晉葛洪撰（以上均為明《正統道藏》本）；十四、《握奇經》，舊題風后撰，漢公孫弘解，晉馬隆述讀，宋高似孫注跋；十五、《尉繚子》，周尉繚撰；十六、《曾子全書》，宋汪晫編；十七、《子思子全書》，宋汪晫編；十八、《鹽鐵論》，漢桓寬撰，明張之象注；十九、《說苑》，漢劉向撰；二十、《獨斷》，漢蔡邕撰；二十一、《傅子》，晉傅玄撰；二十二、《神異經》，舊題漢東

方朔撰，晉張華注；二十三、《博物志》，舊題晉張華撰；二十四、《神仙傳》，晉葛洪撰（以上均為清文淵閣《四庫全書》本）；二十五、《六韜》，舊題周呂望撰；二十六、《司馬法》，舊題周司馬穰苴撰；二十七、《吳子》，周吳起撰（以上為常熟瞿氏鐵琴銅劍樓藏影宋寫本）；二十八、《鄧析子》，周鄧析撰（明刊本）；二十九、《慎子》，周慎到撰（江陰繆氏澗香窠寫本）；三十、《孔子家語》，魏王肅注（明覆宋刊本）；三十一、《孔叢子》，舊題秦孔鮒撰（杭州葉氏藏明翻宋本）；三十二、《周髀算經》，舊題漢趙爽注，北周甄鸞重述，唐李淳風注釋（南陵徐氏積學齋藏明刊本）；三十三、《九章算術》，晉劉徽注，唐李淳風注釋（微波榭刊本）；三十四、《太玄經》，漢揚雄撰，晉范望注（明萬玉堂翻宋本）；三十五、《新語》，漢陸賈撰（明弘治刊本）；三十六、《新序》，漢劉向撰（明翻宋刊本）；三十七、《白虎通德論》，漢班固撰（江安傅氏雙鑿樓藏元刊本）；三十八、《風俗通義》，漢應劭撰（常熟瞿氏鐵琴銅劍樓藏元本）；三十九、《論衡》，漢王充撰（明通津草堂刊本）；四十、《潛夫論》，漢王符撰（述古堂影宋寫本）；四十一、《申鑒》，漢荀悅撰，明黃省曾注（明文始堂本）；四十二、《中論》，漢徐幹撰（江安傅氏雙鑿樓藏明刊本）；四十三、《人物志》，魏劉邵撰，北魏劉昶注（明刊本）。訂為十八冊，正文加上斷句，影印出版，以便選讀。

上海古籍出版社 一九九〇年六月

目 録

嚴度題	一
白虎通序(張楷)	二
白虎通德論目錄	四
叙録	五
第一卷		
爵	六
號	〇
謚	三
第二卷		
五祀	四
社稷	五
禮樂	六
第三卷		
封公侯	二

京師	二五
五行	二六
第四卷		
三軍	三二
誅伐	三三
諫諍	三五
鄉射	三八
致仕	三九
辟雍	三九
災變	四一
耕桑	四二
第五卷		
封禪	四二
巡狩	四四

考黜.....四五

第六卷

王者不臣.....四九

著龜.....五〇

聖人.....五一

八風.....五二

商賈.....五二

第七卷

文質.....五三

三正.....五五

三教.....五七

三綱六紀.....五八

第八卷

情性.....六〇

壽命.....六一

宗族.....六二

姓名.....六三

天地.....六六

日月.....六六

四時.....六七

衣裳.....六七

五刑.....六八

五經.....六八

第九卷

嫁娶.....七〇

第十卷

紼冕.....七五

喪服.....七七

崩薨.....八〇

漢唐書籍以通
名者五。惟白虎
通與風俗通行
于世。乃諸儒之
所討論。實為鉅
典。而所至缺。此
板。余嘗持節七
閩。如建安書市。

歸為群籍所粹。
訪求無有也。今
錫學得
劉守平父家藏
白虎通善本。繡
梓以廣其傳。是
亦明經之一助。
豈小補哉。大德

乙巳四月望日。
中奉大夫雲南
諸路行中書省
參知政事東平
嚴度恪齋題。

白虎通序

白虎通之為書。其未尚矣。群
書中多見其引用。然不知出於
何代誰氏之手。考載籍。於
於漢建初中。淳于恭作白虎
奏議。又班固傳。亦白虎通德論。
唐藝文志。亦載班固等白虎通
義之卷。以其所自歟。平生欲見
其完書。未之得也。余分水監歷
常之壘錫。郡。著儒李毀。前
晦。誠余於官舍。翌日携是快來。

且云

州守劉公家藏舊本。公名世常。
字平父。廸。

大元南國之初行省公之子魯齋
許左轄。高弟。收書不啻萬卷。
其經史子集。士夫之家。或互有。
惟此帙世所罕見。郡。博士與
二。三子。請。以。于。學。將。鏤。板。以
廣。其。傳。守。慨。然。許。之。今。篆。匠
矣。求。余。藏。於。卷。首。余。謂。是。書
韜。晦。於。世。何。止。數。百。歲。而。已。一
旦。致。於。是。邦。殆。亦。有。數。而。然
耶。以。郡。守。之。情。古。廣。文。豎。諸。

生之好事。傳可嘉尚。於是平書。
大德九年四月旦日。東平克齋
張楷序。

白虎通德論目錄

漢玄武司馬臣班固奉詔纂集

第一卷

爵

號

謚

第二卷

五祀

社稷

禮樂

第三卷

封公侯

京師

五行

第四卷

三軍

誅伐

諫諍

鄉射

致仕

辟雍

災變

耕桑

第五卷

封禪

巡狩

考黜

第六卷

王者不臣

著龜

聖人

八風

商賈

第七卷

文質

三政

三教

三綱

六紀

第八卷

情性

壽命

宗族

姓名

天地

日月

四時

衣裳

五刑

五經

第九卷

嫁娶

第十卷

紛冕

喪服

崩薨

白虎通德論目錄

謹按。後漢章帝紀曰。建初四年十一月壬戌。詔諸儒會白虎觀。講議五經同異。使五官中郎將魏應承制問侍中淳于恭奏。帝親稱制臨決。如孝宣甘露石渠故事。作白虎奏議。注云。今白虎通。又按班固傳曰。天子會諸儒。講論五經。作白虎通德論。令固撰集其事。此書所作之因也。書肆舊管錄木。歲久摩滅。竟云此集學者欲見而不可得。邇者朝廷崇尚實學。敬以家藏監本刊行與衆共之。

或謂是書中間多有魚魯之嫌。如首篇援尚書言迎子劉一事。即尚書顧命考之。迎本作逆。劉本作劉。其當時傳寫之誤。取借曰初得舊本如斯。今既重刊。改而正。諸不亦宜乎。殊不思大學以尚書堯典俊德作俊德。孟子以毛詩烝民秉彜作秉夷。誰不知其然。千古至今。讀誦豈無宗工鉅儒者出。蔑有一人敢為改正。由是觀之。白虎通亦猶是也。間有不安盡從其舊。蓋纂之者班固。漢時人去古未遠。必有所祖。假借通用。未可盡知。後人未得班固之心。安可輕議班固之述。作僮能知禮記緇衣以君牙為君雅。說命為允命之意。則能釋魚魯之疑矣。昔人有云。讀書未到康成處。安敢高談議漢儒。觀書者試思之。

白虎通德論卷第一

臣班 固 纂集

爵

天子者爵稱也。爵所以稱天子者何？王者父
 天母地，為天之子也。故援神契曰：天覆地載，
 謂之天子。上法斗極，劍命決曰：天子爵稱也。
 帝王之德有優劣，所以俱稱天子者何？以其
 俱命於天，而王治五千里內也。尚書曰：天子
 作民父母，以為天下王。何以知帝亦稱天子
 也？以法天下也。中候曰：天子臣放勛，書逸篇
 曰：厥兆天子爵。何以言皇亦稱天子也？以其
 言天覆地載，俱王天下也。故易曰：伏羲氏之
 王天下也。爵有五等，以法五行也。或三等者，
 法三光也。或法三光，或法五行，何？質家者據
 天，故法三光；文家者據地，故法五行。含文嘉
 曰：殷爵三等，周爵五等，各有宜也。王制曰：王
 者之制，祿爵凡五等，謂公侯伯子男。此周制
 也。所以名之為公侯者何？公者通公正，無私

之意也。侯者，候也。候，逆順也。春秋傳曰：王者
 之後稱公。其餘人皆千乘，象雷震百里所潤
 同。大國稱侯，小國稱伯子男也。王制曰：公侯
 田方百里，伯七十里，子男五十里，伯者百也。
 子者孽也，孽孽無已也。男者任也。人皆五十
 里，差次功德。小者不滿為附庸，附庸者，附大
 國以名通也。百里兩爵公侯共之，七十里一
 爵。五十里復兩爵，何？公者加尊，二王之後，侯
 者百里之正爵士。上可有次，下可有第。中央
 故無二，五十里有兩爵者，所以加勉進人也。
 小國下爵，猶有尊卑，亦以勸人也。殷爵三等，
 謂公侯伯也。所以合子男從伯者何？王者受
 命，改文從質，無虛退人之義。故上就伯也。尚
 書曰：侯甸任衛休國，伯謂殷也。春秋傳曰：合
 伯子男以為一爵。或曰：合從子，貴中也。以春
 秋名鄭忽，忽者鄭伯也。此未踰年之君，當稱
 子。嫌為改赴，故名之也。地有三等不變，至爵
 獨變。何？地比爵為質，故不變。為質，故不變。王

者有改道之文無改道之實家所以令公居百里侯居七十里何也封賢極於百里其政也不可空退人示優賢之義欲褻尊而上之何以知殷家侯人不過七十里者也曰士上有三等有百里有七十里有五十里其地半者其數倍制地之理體也多少不相配公卿大夫者何謂也對爵稱也曰公卿大夫何爵者盡也各量其職盡其才也公之為言公正無私也卿之為言章善明理也大夫之為言大扶進人者也故傳曰進賢達能謂之大夫也士者事也任事之稱也故傳曰古今辯然否謂之士禮曰四十強而士不言爵為士至五十爵為大夫何知士非爵何以知卿為爵也以大夫知卿亦爵也何以知公為爵也春秋傳曰諸侯四佾諸公六佾合而言之以是知公卿為爵內爵所以三等何亦法三光也所以不變質文何內者為本故不改內也諸侯所以無公爵者下天子也故王制曰

上大夫下大夫上士中士下士凡五等此謂諸侯臣也大夫但有上下何明卑者多也爵皆一字也大夫獨兩字何春秋傳曰大夫無遂事以為大夫職在之適四方受君之法施之於民故獨兩字下之或曰大夫爵之下者也稱大夫明從大夫以上受下施皆大自者也天子之士獨稱元士何士賤不得體君之尊故加元以別諸侯之士也禮經曰士見大夫諸侯之士王制曰王者八十一元士天子爵連言天子諸侯爵不連言王侯何即言王侯以王者同稱為衰弱僭差生篡弒猶不能為天子也故連言天子也或曰王者天爵王者不能生諸侯故不言王侯諸侯人事自着故不着也王者太子亦稱士何舉從下升以為人無生得貴者莫不由士起是以舜時稱為天子必先試於士禮士冠經天子之元士也婦人無爵何陰卑無外事是以有三從之義未嫁從父既嫁從夫夫死從子故夫尊

於朝妻榮於室隨夫之行故禮郊特牲曰婦人無爵坐以夫之齒禮曰生無爵死無諡春秋錄夫人皆有諡夫人何以知非爵也論語曰邦君之妻君稱之曰夫人國人稱之曰君夫人即今是爵君稱之與國人稱之不當異也庶人稱匹夫者匹偶也與其妻為偶陰陽相成之義也一夫一婦成一室明君人者不當使男女有過時無匹偶也論語曰匹夫匹婦之為諒也爵人於朝者示不私人以官與眾共之義也封諸侯於廟者示不自專也明法度皆祖之制也舉事必告焉王制曰爵人於朝與眾共之也詩云王命卿士南仲太祖禮祭統曰古者明君爵有德必於太祖君降立於阼階南面向所命北向中央由君右執策命之大夫功成未封而死不得追爵賜之者以其未當股肱也春秋穀梁傳曰追賜死者非禮也王制曰葬從死者祭從生者所以追孝繼養也葬從死者何子無爵父之義也禮

中庸記曰父為大夫子為士葬以大夫祭以士子為大夫父為士祭以大夫葬以士也父在稱世子何繫於君也父沒稱子某者何屈於尸柩也既葬稱小子者即尊之漸也踰年稱公者緣民之心不可一日無君也緣終始之義一年不可有二君也故踰年即位所以繫民臣之心然後爵者緣孝子之心未忍安吉故春秋魯僖公三十三年十二月乙巳薨于小寢文公元年春王正月公即位四月丁巳葬我君僖公韓詩內傳曰諸侯世子三年喪畢上受爵命於天子所以名之為世子何言欲其世世不絕也何以知天子子亦稱世子也春秋傳曰公會世子于首止或曰天子之子稱太子尚書曰太子發升于舟也或曰諸侯之稱代子則傳曰晉有太子申生鄭有太子華齊有太子光由是觀之周制太子代子亦不定也漢制天子稱皇帝其嫡嗣稱皇太子諸侯王之嫡稱代子後代咸因之世子

三年喪畢。必上受爵命於天子。何明爵土者天子之有也。臣無自爵之義。童子當受父爵命。使大夫就其國命之。明王者不與童子為禮也。以春秋魯成公幼少與諸侯會。公不見之。經不以魯耻。明不與童子為禮也。世子上受爵命。衣士服。何謙不敢自尊也。故詩曰。韎韐有飾。世子始行也。天子大斂之後。稱王者明士不可一日無君也。故尚書曰。王麻冕黼裳。此斂之後也。何以知王從死後加王也。以尚書言迎子劉。不言迎王。王者既殯。而即繼體之位。何。緣民臣之心。不可一日無君。故先君不可得見。則後君繼體矣。尚書曰。再拜興對。乃受銅。明為繼體君也。緣始終之義。一年不可有二君也。故尚書曰。王釋冕喪服。吉冕受銅。稱王以接諸侯。明已繼體為君也。釋冕藏銅。反喪。明未稱王以統事也。不。明年無君。故逾年乃即位。改元。名元年。年以紀事。君名其事矣。而未發號令也。何以言踰年即位。謂

改元位。春秋傳曰。以諸侯踰年即位。亦知天子踰年即位也。春秋曰。元年春王正月。公即位。改元位也。王者改元年。即事天地。諸侯改元。即事社稷。王制曰。夫喪三年不祭。唯祭天地社稷。為越紼而行事。春秋傳曰。天子三年然後稱王者。謂稱王統事發號令也。尚書曰。高宗諒陰三年。是也。論語君薨。百官慙。已聽於冢宰三年。緣孝子之心。則三年不當也。故於冢宰三年。緣孝子之心。則三年不當也。故三年除喪。乃即位統事。即位踐祚為主。南面朝臣下稱王。以發號令也。故天子諸侯。凡三年即位。終始之義。乃備。所以諒陰三年。卒孝子之道。故論語曰。古之人皆然。君薨。百官總己。聽於冢宰三年。所以聽於冢宰三年者。何。以為冢宰職在制國之用。是以由之也。故王制曰。大冢宰制國用。所以名之為冢宰。何。冢者大也。宰者制也。大制事也。故王度記曰。天子冢宰一人。爵祿如天子之大夫。或曰。冢宰視卿。周官所云也。

號

帝王者何號也。號者功之表也。所以表功明德。號令臣下者也。德合天地者稱帝。仁義合者稱王。別優劣也。禮記諡法曰。德象天地稱帝。仁義所生稱王。帝者天號。王者五行之稱也。皇者何謂也。亦號也。皇君也。美也。大也。天之德美大稱也。時質故愬之也。號之為皇者。煌煌人莫違也。煩一夫擾一士。以勞天下。不為皇也。不擾疋夫疋婦。故為皇。故黃金奔於山。珠玉捐於淵。嚴君兜屨。衣皮毛。飲泉液。吮露英。虛無茂靡。與天地通靈也。號言為帝者。何。帝者諦也。象可承也。王者往也。天下所歸。銜命決曰。三皇步。五帝趨。三王馳。五霸騖。或稱天子。或稱帝王。何以為。接上稱天子。明以爵事天也。接下稱帝王者。得號天下至尊。草言稱。以號令臣下也。故尚書曰。謚四岳曰。桀汝眾。或有一人王者。自謂一人者。謙也。欲言已材能當一人耳。故論語曰。百姓有過。在予

一人。臣謂之一人何。亦所以尊王者也。以天下之大。四海之內。所共尊者一人耳。故尚書曰。不施予一人。或稱朕何。亦王者之謙也。朕我也。或稱予者。予亦我也。不以尊稱自也。但自我皆謙。或稱君子何。道德之稱也。君之為言群也。子者丈夫之通稱也。故孝經曰。君子之教以孝也。下言敬天下之為人父者也。何以言知其通稱也。以天子至於民。故詩云。凱弟君子。民之父母。論語云。君子哉。若人。此謂弟子。弟子者民也。三皇者何謂也。謂伏羲神農燧人也。或曰伏羲神農祝融也。禮曰。伏羲神農祝融三皇也。謂之伏羲者何。古之時未有三綱六紀。民人但知其母不知其父。能覆前而不能覆後。昨之誥。誥起之吁。吁。飢即求食。飽即弃餘。茹毛飲血而衣皮。蓬於是伏羲仰觀象於天。俯察法於地。因夫婦正五行。始定人道。畫八卦以治下。治下伏而化之。故謂之伏羲也。謂之神農何。古之人民皆食禽獸